

حيات

حيات دأما حیات... ریایه راهای حیات فانالم...
- نیچه -

آئرهده استانبول جاده سنده آئره
اداره خانه : معارف امینلیک یانده کی دائرة

استانبول بوروسی :

استانبولده ، باب عالی جاده سنده رسلی پرشده
اداره ، نامه سی داخلده کی دائرة
تلفون : ۳۶۰۷

نسخه سی هربرده ۱۰ غرورده .
سنه لکی پوسته ایله ۵ لیرا .
(اجنبی مملکتلر ایچین ۵ دولار)

آوته وعلان ایشلری ایچین استانبول بوروسنه
مراجعت ایدیلیر .
یازی ایشلریک مرجعی آئره مرکزیدر .

۱ نجی جلد

آئره ، ۹ کانون اول ، ۱۹۲۶

صافی : ۲

بویوک غازینک « حیات » ه التفاتلری

یکی ملی حیاتک مبرعی وار حیاتک الک صاعولوم مسندی اولاده « علم و صنعت » ک بوکسک هامبسی عزیز غازینک رستمینی و بربک سورینده
مجموعه مزه بویوک انتفاده بولونمیدر . بولانتانک اصل مخاطبی ، مجموعه مزک تمثیل ایتدیکی فکرلرک صامبی اولاده و یکی ملی حیاتی ردهلرند
بونونه شریکده باشانله کنج زمره در . مجموعه مزه دوشه افتخار مهده سی ، ساده مه ، بویوک غازینک اوزمربه بوصورنه بجلی ایدره التفاتنه واسطه
اولادیلرک مظهر بتندره دوغومده در . غازینک قیمتی رستمی قارنر بزمه هدیه ایدیلور .

صامبی

معنوی انضباط و یکی نسل

دنیا حیرتی ، غالب و مغلوب ملترک فکر و تایلرلرند
هیچ شبهه یوق که درین تحولات وجوده کتیرمش ،
اسکی عرفلرک قیمتی دکیشدیرمشدر . بو تبدل و رسانی
معاهده سندن بر پارچه صوکر ا در حال کوزو و کدی .
غرب ملترلرند یکی دوغان فکرلر یکدیگر یله چار پشمغه
باشلادیلر . بالخاصه آلمانیده ، ایتالیا ده بوجار پشمه لر
بودولترک مؤسسه لرند کی انتظامی بوزو بور ، اولاری
آنا رشی به سور و کله یوردی . راحت و حضور ایچنده
تکاملی ایسته یین خلقک فکرلرینه ترجان اولان دولت
آداملری مؤسسه لرده ، فردلرک حرکت و فعالیتنده
بر انضباط تأسیسه اوغراشدیلر . ایتالیا ده « فاشیزم » ی
بو وضعیت دوغوردی . آلمانیده مارشال هیندنبورگی
طوتان قوت بوملی انضباطی تأسیس ایتمک استهداف
ایله یور . فرانسه ده جمهوریت پرور فرقه لرک برلشهرک
پووانقاره نک ریاستی آلتنده قابینه تشکیلنه سوق ایدن
عامل قوتی بر حکومت سایه سنده ملی انضباطی
و اقتصادی مؤسسه لری تقویه ایله مکدر .

بوعبارله غرب ملترلرند الک شایان دقت حرکت
ایتالیا فاشیزمیدر . « ره وودوپاری » مجموعه سنک
۱۵ تشرین ثانی تاریخی نسخه سنده ایتالیا اعیانندن
و فرانسز انستیتوسی اعضا سندن قوت دوسان مارتینونک
« L'esprit du Facisme en Italie » عنوانی
شایان دقت بر مقاله سی وار . بونده موسیو مارتینو
فاشیزمک ایتالیا به ناصل ونه ایچون حاکم اولدیفنی
آکلاتدقن صوکره فاشیزم اداره سنک تأمین ایتک

تدقیقه شایاندر . مکتبلری و معارف مؤسسه لری
تدقیق ایچون کچنلرده روسیه به کیدن معارف
مستشاری نافع عطوف و تعلیم و تربیه اعضا سندن رضوان
نافذ بک ائندیلرک معارف مجموعه سنده انتشار ایدن
راپورلری بوخصوصه روسلرک نه قدار بویوک مساعی
صرف ایتمکده اولدیفنی کوسترمک ایچون کافیدر .
خلاصه ، غربه باقادیغک زمان شونی کوریورسکزنک
بوتون ملتر قوتلی بر دولت سلطه سی ایچنده ملی بر
انضباط تأسیسه مشتاقدرلر . اوله بر انضباط که
هر فردی مساعی ، عمومک نفی اساسنه مستند اولسون .
هر فعالیت تام بر عضو اولان ملترک قوتی ، رفاهنی ،
آرتیرمنی استهداف ایتسین . اوله بر انضباط که الک
اوافق فردی قدرت ، جمینک منفعتی اعتبار یله غائب
اولاسین . هر مؤسسه نک ، هر عرفک ، هر وطنداش
سعینک قیمتی یالکز جمیته اولان خدمت نه کوره تقدیر
ایدیلسین . فردلر ، فکرأ وحساً ملترک حقیق عضوی
اولایلسین .

تورکیاده ده استقلال مجاهده سی ائناسنده واوندن
صکره عینی انضباط حاکم اولمشدر . ذاتاً بویوک ظفر
بونک اثریدر . بوکونکی نسلک قیمتی ده بونقطه ده در .
یالکز شوسؤالری دوشونمک مجبوریتنده یز : بوکونکی
نسلک الک اساسی مزیتتی تشکیل ایدن بوملی وحدت
ناصل ونه سایه ده وجوده کلمشدر ؟ عجباً یکی تیشه جک
نسلک یاشایاجنی محیط ، اولرده بو وحدتی و معنوی
انضباطی وجوده کتیره جک عینی عامللری محتوی
بولونا جمیدر ؟

تورکیاده کی مؤسسه لرک انکشافنه خدمت ایله یین
انضباط و وحدتی بر کره بویوک داعی غازی پاشا
حضرتلرینک شخصیتنه ، صوکراده خارجی و داخلی
دشمنلر طرفندن ملترک بالذات وارلفنک تهدید ایدیله سنه
بورجولوز . بویوک غازینک دهاسی بوتون قیلری

ایسته دیکی ملی انضباطک اساسلری و غایه لری شو
دستورلرله افاده ایله یور : « فاشیزم » ملی وحدت ،
نظام و انضباطی تقویه هدفنی تعقیب ایلر . اولک سیاسی
پره نسبی منتظم ، زنکین ، قوتلی بر دولت ایچنده
هر فردک فعالیتتی عمومک نفی اساسنه استناد ایتدیر
مه سیدر . باش وکیلندن عمله سنه و کویولوسنه قدار
هر وطنداش دولنک خادمی اولایلدر . هر کس اقتداری
نسبتنده ملترک قوتنه ، حضوریتنه ، رفاهنه معاونت
و خدمت ایله ملیدر . « سان مارتینو بواسارلرک بوتون
ایتالیا نارجه الک بوکسک مفکوره اولارق تلقیسی
سایه سنده قیصه بر زمانده ایتالیا نک اقتصادی حتی
علمی و حرثی مؤسسه لرند بوکسک بر انکشاف
حاصل اولدیفنی تأمین ایله یور . شوراسی محقق که
فاشیزمک دولتیجلیک مفکوره سی ایتالیا کنجلیکنده
چوق قوتلی و مشترک بر هیجان اوایندیرمشدر .
« ره وودورنه » مختلف ملترک کنجلیکنک
فکر و تحسسلری آکلامتی ایچون مختلف مملکتلرک
دارالفنون طلبه سنه شو ایکی سؤالی صورمشدر :
« انسانی اعمال و بوکونک صنعت تقلیلری ... الخ
حقنده نه دوشونوبورسکز ؟ سزدن اولکی نسلک
دشمنیمیسکز ؟ اگر بویله ایسه کز نه ایچون ؟ »
بو سؤاللره بر ایتالیان دارالفنون طلبه سنک وردیکی
جوابک بعض قسملری تورک کنجلیرینک اوقوماسنی
ایسته دیکیمز ایچون ترجمه ایدهرک « حیات » ه درج
ایله جکز . بوجواب ، ایتالیا کنجلیکنده کی مفکوره
هیجانی پک ایی تصویر ایدیلور .

روس سوویت حکومتک اجتماعی پره نیسیلری
تمماً فاشیزمک ضدیدر . فقط ، ملی انضباط خصوصنده کی
اساسلری هان عینیدر . روسیه نک انقلابی ترصین ایتک
و کنجلیکنده حس و فکر وحدتی و معنوی انضباطی
تأمین ایله مک ایچون صرف ایله یکی فعالیت چوق

